



Inatsisartunut ilaasortaq
Aleqa Hammond

Uummannami qassutinik qaleralinniarnermik unitsitsiniarnermut tunngatillugu – nr. 5- mut akissut.

Inatsisartut suleriaasianni § 36 immikkoortoq 1 naapertorlugu, Uummannami qassutinik qaleralinniarnermik unitsitsinermut tunngatillugu apeqqutinik saqqummiussisimavutit. Apeqqut uannut akisassanngortinneqarpoq.

Apeqqut:

Uummannami qassusersorlutik qaleralinniarsinnaanngillat Ilulissanili qassusersorlutik qaleralinniarsinnaallutik. Uummannami qassutinik qaleralinniarnermut ileqqoreqqusaqarpoq ileqqoreqqusallu taakku pitsaalluinnartuupput Qaasuitsup Kommuniatalu tamakkiisumik taper-sorsorpai. Naalakkersuisuniilli ileqqoreqqusat taakku atorunnaar-sinneqarput. Suna pissutaava?

Akissut:

Uummannami Upernavimmilu qassutinik qaleralinniarnermik unitsitsi-niarluni aalajangerneq aalajangiunneqarpoq aalisartunit taakkunan-gaanneersunit naammagittaalliutit uanga tigoreersimalerikkalu aam-malu arlalinnik innuttaasunik ataatsimiisitseqattaarnerup kiisalu kom-muunit sinniisaannik kiisalu taakkunani KNAPP-imeersunik ataatsi-meeqateqarnerup kingorna. Uumasut imarmiut avatangiiserlu eqqar-saatigalugit piffimmi tassani aalisarnermut tunngatillugu qassutit qimaannakkat amerliartuinnartut annertuumik naammagittaalliutigiartuinnarneqartut taakkualu akornusiinerat, qassutit annaasat naperartitsisartunik taasakkat immamillu mingutsitsineq.

Piffimmi aalisartunik Kommunimillu oqalliseqatiginninnerup kingorna isumaqatigiippugut siunissami aalisarnermi piujuaannartitsinissaq pi-lerseqqinniartulugu suliniutit sorliit pisariaqartinneqartut. Taakku su-liniutit ilagaat qaleralinniarnermi imminut illersorsinnaasumik qassuti-nik atuinermut tunngatillugu maleruagassanik pisariaqartitsiso-qartoq.

14. januar 2010
J. nr.: 01.28/2010
Postboks 269
3900 Nuuk
Oq/tel +299 34 50 00
Fax +299 32 47 04
apnn@gh.gl
www.nanoq.gl

Ummannarmiut ataatsimut isigalugu 2009-mut qaleralinnut pisassiissutit tamakkipajaarmatigit, tassani qassutit atorlugit qaleralinniarnep ingerlatiinnarnissaa naleqqutinngitsutut nalilerneqarpoq. Erseqqarilluinnartumillu nalunaaruteqartoqarpoq.

Apeqqutit:

Sooq Ummannarmiut Iluliarmiutorluinnaq iliuuseqarfigineqanngillat soorlu naalackersuisut piffimmi najugallit namminneq ileqqureqqusaat ataqqinngilaat massa naalackersuisoqatigiit pingaartutut uparuagaat isumagigaat, tassalu piffinni nammineq najukkami naleq-qussarnerit kiisalu piujuaannartitsinissaq?

Akissut:

Naalackersuisut Kalaallit Nunaanni innuttaasut sutigut tamatigit assigiimmik iliuuseqarfigisarpaat. Taamaattorli uparuarlara Ummannami Ilulissanilu pissutsit assigiinngeqimmata. Tamannalu tunuliaqtsi-ullugu Naalackersuisut Ilulissanut tunngatillugu iluarsisut atorneqar-simasoq atorsinnaasimanngilaat. Tamatuma nalaani Ilulissani pisassiissutaasut 60 %-ii aalisarsimavaat, taamaattumillu aalisagartassamik sippornissaanut navianartorsioratik, Ummannarmiulli pisassarisatik tamakkingajassimallugit.

Apeqqut:

Kommunerujussuit atuunnialermata Kommunit Naalackersuisullu akornanni paaseqatigiittoqarlunilu isumaqatigiittoqarpoq, tassalu ileq-qureqqusat ileqqureqqusanik nutaanik aalajangiisoqarnissaata tun-gaanut atuutiinnassasut. Sooq aalajangerneq taanna maanna Naalackersuisunit ataqqineqanngila?

Akissut:

Tassuuna qulaani akissutinut innersuuteqassaanga, ilisimatitsissutigigakku Ummannami aalisartut ajornartorsiut aalajangersimasoq pillugu uannut ikioqqullutik saaffiginnimmata. Ummannamilu illuatungeriit attuumassutillit pineqartullu suleqatigiilluta iluarsisutissamik paaseqatigiissuteqarpugut.

Kommunimut ileqqoreqqusanik nutaanik suliarinninnissaq kommunit kattunnerannut atatillugu piffissamik annertujaamik atuiffiussaaq. Tamatumunnga Naalackersuisut paasinilluarsinnaapput.

Kommunimi ileqqoreqqusanik suliarinninnissamut najoqqutassaqar-poq kiisalu ileqqoreqqusanik suliarinninnermut aallaavissanik pilersitsisussanik qaleralinniarnermut nalunaaruteqarluni. Missingersuummi Naalackersuisoqarfimma tigusimasaani, arlalinnik sammisanik iluarsisassaqarpoq. Suliarinninneq suliassamik isumaginninnermut piffissaritap iluani pivoq, inatsisillu ingerlatsinnermut tunngasut malillugit aalajangersarneqarlutik.

Oqarsinnaavungaluunniimmi Upernavimmut Uummannamullu ileqqu-
reqqusanut tunngatillugu suliassat salliutinneqartorujussuusimasut.
Naggasiullugulu paasisitsissutigisinnaavara, tassa kommunemi
ileqqoreqqusaq Uummannamut tunngasoq illuatungeriinnit
atsiorneqareermat, ileqqoreqqusarlu ilisimatitsissutigineqareerluni
malittarisassat malillugit.

Ikinngutinnersumik inuulluaqqusillunga
Med venlig hilsen

Ane Hansen
Aalisarnermut Piniarnermut Nunalerinermullu Naalackersuisoq
Medlem af Naalackersuisut for Fiskeri, Fangst og Landbrug